

#### 5.1.4. UMUTWE WA IV: KUVUGURURA IBYAPA N'AMAKARITA ARANGA IBINYABIZIGA

##### Ingingo 129:

1. Kubura icyapa ndanga cyangwa ikarita iranga ikinyabiziga bigomba kumenyeshwa bidatinze ibiro byayitanye.
2. Nyirubwite ashobora guhabwa ibyapa bishya cyangwa agahabwa inyandukuro y'ikarita iranga ikinyabiziga bisimbura ibyabuze.
3. Iyo amaze kubivugurura; icyapa cyangwa ikarita iranga ikinyabiziga byabuze nyirabyo yongeye kubibona, ategetswe kubisubiza bidatinze.
4. Inyandukuro y'ikarita iranga ikinyabiziga yangiritse, ishobora gutangwa n'ibiro byayitanye mbere. Icyo gihe, uwayisabye agomba gusubiza ikarita yononekaye akimara kubona inyandukuro yayo.
5. Iyo icyapa cyononekaye ibiro bibishinzwe bizatanga ikindi cyapa kigizwe na bibiri iyo ari imodoka. Icyo gihe, uwabisabye agomba gusubiza cya cyapa cyangwa bya byapa yari yahawe mbere akimara kubona ibindi byapa bishya.
6. Umuntu wese ushoboye kubona icyapa cyangwa ikarita iranga ikinyabiziga byatakaye asabwe kubisubiza bidatinze ibiro byayitanye.

#### 5.1.5. UMUTWE WA V: ISHYIRWAHO N'ISOMEKA RY'IBYAPA NDANGA N'IKIMENYETSO GITANDUKANYA

##### Ingingo ya 130:

1. Ikimenyetso ndanga kigomba gushyirwa inyuma no hagati y'ikinyabiziga ku buryo bugaragara bituma gisomeka neza. *Kandi ikimenyetso ndanga kigomba kuba giteye ku buryo*  
  
bwenda kuba buhagaze kandi ari nyanguni ku murongo ugabanya ikinyabiziga mo kabiri umurongo wo hejuru uri kuri metero zitarenga ebyiri uherye ku butaka kandi uri ku murongo uteganye nabwo.
  - ✓ Nyamara ku byerekeye imodoka, romoruki na za makuzungu, icyapa ndanga (puraki) gishobora gushyirwa inyuma ibumoso bw'ikinyabiziga.
  2. Icyapa ndanga (puraki) kigomba no gushyirwa imbere ya buri modoka kandi giteye imbere h'imodoka mu buryo bumwe n'ubuteganyijwe ku cyapa ndanga giteye inyuma.
  3. Iyo ikimenyetso gitandukanya gishyizwe ku cyapa kihariye icyo cyapa kigomba guterwa ku buryo cyangwa guhagarara kandi ari nyanguni ku murongo ugabanya ikinyabiziga mo kabiri mu burebure bwacyo. Iyo icyo kimenyetso gitandukanya gishyizwe ku kinyabiziga ubwacyo, kigomba kuba gihagaze cyangwa cyenda guhagarara ku ruhande rw'inyuma rw'ikinyabiziga.
  4. Ibyapa ndanga n'ikimenyetso gitandukanya bigomba igihe cyose kuba bisomeka neza kandi byitaruye.
  5. Birabujijwe gushyira inyuguti, imbere cyangwa ibimenyetso ibyo ari byo byose hafi y'ibyapa ndanga n'ikimenyetso gitandukanya ibiranga. *Igihe byatuma bitewe n'uko bisa, ingano yabyo cyangwa aho biri, hashobora kwitiranywa n'icyo ibyo byapa bishaka kuvuga n'izo nyuguti, imibare cyangwa ikimenyetso nabyo bivuga.*
- N.B: Ibyapa ndanga "Plaque" (marque d'immatriculation): Puraki  
Ikarita ndanga « Carte d'immatriculation) Karite jaune.  
Ikimenyetso gitandukanya: (signe distincte) inyuguti cyangwa imibare n'ibindi bimenyetso biri kuri Puraki.